



**ბ რ ძ ა ნ ე ბ ა**  
საქართველოს სახელით

27 აპრილი, 2020 წელი

თბილისი

თბილისის საქალაქო სასამართლოს ადმინისტრაციულ საქმეთა კოლეგია  
მისამართულ ვალერიანე ფილიშვილი

შუამდგომლობის წარმომდგენი: საქართველოს იუსტიციის სამინისტრო;

მოთხოვნა: გაერთიანებული ერების ორგანიზაციის უშიშროების საბჭოს რეზოლუციების შესაბამისად განსაზღვრულ პირთა სიგეში დამატებული ფიზიკური პირების ქონებაზე ყადაღის დადება;

შუამდგომლობის განხილვის ფორმა: ზეპირი მოსმენის გარეშე;

**გ ა მ ო ა რ კ ვ ი ა :**

2020 წლის 24 აპრილს თბილისის საქალაქო სასამართლოს ადმინისტრაციულ საქმეთა კოლეგიას მომართა საქართველოს იუსტიციის მინისტრის მოადგილემ და საქართველოს ადმინისტრაციული საპროცესო კოდექსის 21<sup>30</sup> მუხლის, „ფულის გათეთრებისა და ტერორიზმის დაფინანსების აღკვეთის ზედმეწყოების შესახებ“ საქართველოს კანონის 41-ე მუხლის პირველი პუნქტისა და „გაერთიანებული ერების ორგანიზაციის უშიშროების საბჭოს რეზოლუციების შესრულების საკითხებზე მომუშავე სამთავრობო კომისიის შექმნის შესახებ“ საქართველოს მთავრობის 2011 წლის 21 დეკემბრის N487 დადგენილებით განსაზღვრული გაერთიანებული ერების ორგანიზაციის უშიშროების საბჭოს რეზოლუციების შესრულების საკითხებზე მომუშავე სამთავრობო კომისიის დებულების მე-4 მუხლის „ა ქვეპუნქტების შესაბამისად, თბილისის საქალაქო სასამართლოს ადმინისტრაციულ საქმეთა კოლეგიაში გადმოაგზავნა გაერთიანებული ერების ორგანიზაციის უშიშროების საბჭოს 127 (2013) რეზოლუციის შესაბამისად მოქმედი „ცენტრალური აფრიკის რესპუბლიკის, სანქციათა კომიტეტის მიერ გაეროს უშიშროების საბჭოს შესაბამისი რეზოლუციების საფუძველზე განსაზღვრულ პირთა სია „ცენტრალური აფრიკის რესპუბლიკის, სანქციათა კომიტეტის მიერ განსაზღვრულ პირთა სიაში შეყვანილია 1 (ერთი) პირი.

შუამდგომლობის ავტორი ითხოვს, განხილულ იქნეს შუამდგომლობა და საქართველოს ადმინისტრაციული საპროცესო კოდექსით დადგენილი წესით, ყადაღა დაედოს



გერთიანებული ერების ორგანიზაციის უშიშროების საბჭოს რეზოლუციების შესაბამისად განსაზღვრულ პირთა სიაში შეყვანილ ფიზიკური პირის ქონებას.

სასამართლო საქმის მასალების შესწავლის შედეგად მიიჩნევა, რომ წარმოდგენილი შუამდგომლობა უნდა დაკმაყოფილდეს შემდეგ გარემოებათა გამო:

საქართველოს ადმინისტრაციული საპროცესო კოდექსის VII<sup>1</sup> თავით განსაზღვრულია ადმინისტრაციული სამართალწარმოების განხორციელების წესი ტერორიზმთან დაკავშირებული პირებისა და გერთიანებული ერების ორგანიზაციის რეზოლუციებით განსაზღვრული პირების ქონებაზე ყადაღის დადებისთან დაკავშირებით, კერძოდ:

საქართველოს ადმინისტრაციული საპროცესო კოდექსის 21<sup>30</sup> მუხლის თანახმად, გერთიანებული ერების ორგანიზაციის (შემდგომ - გაერო) წესდების VII თავის საფუძველზე მიღებული გაეროს უშიშროების საბჭოს რეზოლუციების შესაბამისად, რომელთა მიზანია ტერორიზმის დაფინანსების ან/და მასობრივი განადგურების იარაღის გავრცელების დაფინანსების პრევენცია, გამოიღონ და აღკვეთა, „ფულის გათეთრებისა და ტერორიზმის დაფინანსების აღკვეთის ხელშეწყობის შესახებ“ საქართველოს კანონის 41-ე მუხლის მე-5 პუნქტით განსაზღვრულ ქონებაზე ყადაღის დადების თაობაზე ბრძანებას გაეროს უშიშროების საბჭოს რეზოლუციების შესრულების საკითხებზე მომუშავე სამთავრობო კომისიის (შემდგომ - სამთავრობო კომისია) შუამდგომლობის საფუძველზე გამოსცემს თბილისის საქალაქო სასამართლოს მოსამართლე.

21<sup>31</sup> მუხლის თანახმად, გაეროს უშიშროების საბჭოს №1373 (2001) რეზოლუციის მოთხოვნების შესაბამისად ქონებაზე ყადაღის დადების თაობაზე სამთავრობო კომისიის შუამდგომლობა დასაბუთებული უნდა იყოს, ამავე მუხლის მე-2 ნაწილის თანახმად, ქონებაზე ყადაღის დადების თაობაზე სამთავრობო კომისიის შუამდგომლობაში მითითებული უნდა იყოს „ფულის გათეთრებისა და ტერორიზმის დაფინანსების აღკვეთის ხელშეწყობის შესახებ“ საქართველოს კანონის 41-ე მუხლის მე-5 პუნქტით განსაზღვრული, ყადაღისადაცხი ქონების შესახებ მონაცემები მათი არსებობის შემთხვევაში.

21<sup>32</sup> მუხლის პირველი ნაწილის თანახმად, მოსამართლე ქონებაზე ყადაღის დადების თაობაზე სამთავრობო კომისიის შუამდგომლობას დაუყოვნებლივ, ერთპიროვნულად, ზეპირი მოსმენის გარეშე განიხილავს. ამავე მუხლის მეორე ნაწილის შესაბამისად, მოსამართლე ქონებაზე ყადაღის დადების თაობაზე სამთავრობო კომისიის შუამდგომლობის საფუძველზე იღებს გადაწყვეტილებას არაუგვიანეს 3 დღისა, „ფულის გათეთრებისა და ტერორიზმის დაფინანსების აღკვეთის ხელშეწყობის შესახებ“ საქართველოს კანონის 41-ე მუხლის მე-5 პუნქტით განსაზღვრული პირისთვის შეუტყობინებლად. მე-3 ნაწილის თანახმად, მოსამართლე ქონებაზე ყადაღის დადების თაობაზე სამთავრობო კომისიის შუამდგომლობის განხილვისას ითვალისწინებს ყადაღისადმი დაქვემდებარებულ ქონებაზე კეთილსინდისიერ მესამე პირთა უფლებებს. ხოლო მე-4 ნაწილის თანახმად, მოსამართლე გამოსცემს სასამართლო კომისიის შუამდგომლობით განსაზღვრულ ქონებაზე ყადაღის დადების თაობაზე ბრძანებას, თუ დაასკვნის, რომ სამთავრობო კომისიის შუამდგომლობაში მოთხოვნილი პირი



აკმაყოფილებს გაეროს უშიშროების საბჭოს შესაბამისი რეზოლუციით განსაზღვრულ სათანადო პირობებს. ხოლო, მე-6 ნაწილის თანახმად, ქონებას ყადაღა ედება უკუადრდ, ქონებაზე ყადაღის დადების თაობაზე მოსამართლის ბრძანების გაუქმებამდე.

მითითებული ნორმის მე-7 ნაწილის თანახმად, ქონებაზე ყადაღის დადების თაობაზე მოსამართლის ბრძანება დგება სამ ეგზემპლარად. ერთი ეგზემპლარი რჩება სასამართლოში, მეორე ეგზემპლარი სამთავრობო კომისიას, ხოლო მესამე – შუამდგომლობაში მითითებულ პირს. თუ ამ ბრძანების ეგზემპლარის აღნიშნული პირისთვის გადაცემა ვერ ხერხდება, ბრძანება ქვეყნდება საჯაროდ, საქართველოს სამოქალაქო საპროცესო კოდექსით დადგენილი წესით და მხარისთვის ჩაბარებულად ითვლება საჯაროდ გამოქვეყნებიდან მესამე დღეს.

სასამართლო დამატებით მიუთითებს, საქართველოს სამოქალაქო საპროცესო კოდექსის 78-ე მუხლის პირველი ნაწილზე, რომლის თანახმადაც თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით. აღნიშნული ნორმის საფუძველზე, სასამართლო ბრძანებას გამოქვეყნებს საჯარო პუბლიკაციის მეშვეობით.


ყოველივე ზემოაღნიშნულიდან გამომდინარე, წარმოდგენილი მასალების და აღნიშნულ ნორმათა გათვალისწინებით, სასამართლოს მიაჩნია, რომ შუამდგომლობა საფუძველიანია და უნდა დაკმაყოფილდეს - ყადაღა უნდა დაედოს გაერთიანებული ერების ორგანიზაციის უშიშროების საბჭოს რეზოლუციის შესაბამისად განსაზღვრულ პირთა სიებში დამატებული ფიზიკური პირის ქონებას.

**და ა ა დ გ ი ნ ა :**

1. საქართველოს იუსტიციის მინისტრის პირველი მოადგილის შუამდგომლობა დაკმაყოფილდეს;

2. ყადაღა დაედოს გაერთიანებული ერების ორგანიზაციის უშიშროების საბჭოს რეზოლუციების შესაბამისად განსაზღვრულ პირთა სიებში დამატებული ფიზიკური პირის ქონებას.

2.1. ფიზიკური პირები:

პირადი ინფორმაცია (სახელ(ებ)ი, დაბ. თარიღი და ადგილი, ეროვნება / მოქალაქეობა	ფსევდონი მ(ებ)ი, ზედმეტსახელ(ებ)ი	პასპორტის მონაცემები, პირადი ნომერი	მისამართ(ებ)ი, შესაძლო ადგილსამყოფელი	სიაში შეყვანის თარიღი	სხვა ინფორმაცია
					

<p>ა) 1) სახელწოდება: 1) მარტინ (MARTIN) 2) კოუმტამა დეჯი (Koumtam AHDJI) წოდება/თანამდებობა: ცენტრალური აფრიკის დემოკრატიული ფრონტის (FDPC) პრეზიდენტი და მთავარსარდალი (President and commander-in-chief of the Front Democratique du Peuple Centrafrican (EDPC)) დაბადების თარიღი: ა) 1965 წლის 03 მარტი (3 March 1965) ბ) 1965 წლის 05 ოქტომბერი (5 Oct. 1965)</p>	<p>ა) აბდოულაიე მისკინე (Abdoulaye Miakine); ბ) აბდოულაიე მისკინე (Abdoulaye Miakine); გ) მარტინ ნადინგარ კოუმტამა დეჯი (Martin Nadingar Koumtamadji); დ) მარტინ ნკოუმტამა დეჯი (Martin Koumtamadji); ე) მარტინ კოუმტამა დეჯი (Martin Koumtamadji); ვ) იმარ მაჰამატ (Omar Mahamat)</p>	<p>ცენტრალური აფრიკის რესპუბლიკის დიპლომატიური პასპორტის ნომერი: 06FBO22 62 (გაცემულია 2007 წლის 22 თებერვლს, მაღაში იყო 2012 წლის 21 თებერვლამდე) (CAR diplomatic passport no. 06FBO226 2, issued on 22 Feb. 2007 (expired on 21 Feb. 2012))</p>	<p>ამ დაფოქ, ვაკაგას პრეფექტურა, ცენტრალური აფრიკის რესპუბლიკა (Am Dafock, Vakaga prefecture, Central African Republic)</p>	<p>2020 წლის 20 აპრილი (20 April 2020)</p>	<p>მარტინ კოუმტამადეიმ FDPC დააფუძნა 2005 წელს. იგი შეუერთდა სელეკას კოალიციას 2012 წლის დეკემბერში და დატოვა იგი 2013 წლის აპრილში. აჯანყებულების მიერ ზანგუის აღების შემდეგ, კამერუნში დაკავების შემდეგ იგი გადაყვანილი იქნა ზრანზავილში, კონგოს დემოკრატიული რესპუბლიკაში. ის ყოველთვის მეთაურობდა მის ჯარებს ცენტრალური აფრიკის რესპუბლიკაში, ზრანზავილიდანაც კი, სანამ დაბრუნდებოდა ცენტრალური აფრიკის რესპუბლიკაში (2014-2019 წლებს შორის პერიოდში). FDPC-მა 2019 წლის 06 თებერვალს, ცენტრალური აფრიკის რესპუბლიკაში, ხელი მოაწერა მშვიდობისა და შერიგების შესახებ შეთანხმებას, თუმცა მარტინ კოუმტამადეი კვლავ რჩება საფრთხედ ცენტრალური აფრიკის რესპუბლიკაში მშვიდობის, სტაბილურობისა და უსაფრთხოებისთვის. (Martin Koumtamadji founded the FDPC in 2005. He joined the Séléka in December 2012 before leaving it in April 2013 after the rebels took Bangui.</p>
--	--	---	---	--	---



<p>განმარტვნიმ ადგილი: ა) ნდინაბა, ჩადი (Ndinaba, Chad);</p> <p>ბ) კობო, ცენტრალუ რი აფრიკის რესპუბლიკ ა (Kobo, Central African Republic);</p> <p>გ) კაბო, ცენტრალუ რი აფრიკის რესპუბლიკ ა (Kabo, Central African Republic)</p> <p>მთქლაქელ ნა: ა) ჩადი (Chad);</p> <p>ბ) ცენტრალუ რი აფრიკის რესპუბლიკა (Central African Republic)</p>					<p>After being arrested in Cameroon, he was then transferred to Brazzaville in the Republic of Congo. He always remained in command of his troops on the ground in the CAR even when he was in Brazzaville before returning to the CAR (between November 2014 and 2019). The FDPC signed the Political Agreement for Peace and Reconciliation in the CAR on 6 February 2019 but Martin Koumtamadji remains a threat to the peace, stability and security of the CAR).</p>
---	--	--	--	--	---

3. წინამდებარე ზრძანება მალაში შედის გამოცემისთანავე და და მისი გასაჩივრება არ აჩერებს ზრძანების მოქმედებას.

4. ზრძანება განთავსდეს თბილისის საქალაქო სასამართლოს ოფიციალურ ვებ-გვერდზე.

5. ზრძანება შეიძლება გასაჩივრდეს საჩივრით თბილისის სააპელაციო სასამართლოს ადმინისტრაციულ საქმეთა პალატაში (მის: ქალაქ თბილისი, გრიგოლ რობაქიძის ქუჩა №7), შტარისათვის ზრძანების ეგზემპლარის გადაცემიდან 48 საათში, ხოლო თუ გადაცემა

ვერ ხერხდება, მისი საჯაროდ გამოქვეყნებიდან 5 (ხუთი) დღის ვადაში, თბილისის საქალაქო სასამართლოს მეშვეობით (მისი ქ. თბილისი, დავით აღმაშენებლის ხეივანი №64).

მოსამართლე:

3



ვალერიანე ფილიშვილი